



Kamis, 17 September 2020

Ogen: 1 Korinti 11:17-34



ROTI RAS ANGGUR



Sada lagu rohani nina 'mau kah kau jadi roti yang terpecah bagiku, mau kah kau jadi anggur yang tercurah untukku, mau kah kau jadi saksi mebritakan FirmanKu, melayani mengasihi lebih sungguh. Janah ayat duana 'AKU mau jadi roti.....' Roti ras anggur jadi simbol penting ras utama i bas kegeluhen kekristenan. Roti ras anggur si ielaken i bas Lakon Persadan Si Badia jadi sada dahin si arus ilakoken gereja segedang jaman. Gereja arus ngelaken keleng ate Kristus arah simbol kula ras darehNa si lit i bas roti ras anggur. Rasul Paulus nehken pengajaren ras pengangkan kerna roti ras anggur i bas Lakon Persadan jadi pengajaren man perpulungen i Korinti. Kai si jadi paksa e? Kegeluhen perpulungen enggo erbana-bana, enggo lanai siangkan, erpihak-pihak. Aminna ia pulung ras man i bas pesta Tuhan tapi labo ia si ergan, tetap nge labo ersada ukur, i je labo teridah kekelengen sada ras sidebanna.

Arah kata enda Paulus nehken pengajaren kerna roti ras anggur si tujunna gelah perpulungen enda tetap ersada. Makna roti ras anggur i bas kegeluhen kalak Kristen, tanda keleng ate Dibata, tanda penebusen rikut, kehadiran ras kiniersadan Dibata i bas kalak si tek bagepe kiniersadan perpulungen man ras minem i bas meja Tuhan. Me kai si ilakoken Kristus man banta enda ka me si ielaken kita man kalak sideban khususna temanta sada kiniteken.

Kita man ras minem arah roti ras anggur sada i bas Tuhan. Alu bage kerina besur la lit si lumben. Ertina kita selaku kula ni Kristus i bas doni enda harus ngelaken keleng ate e alu erbagi pemere man kalak sideban. Selaku sada kula ras keluarga Dibata arusna kerina kita si keleng kelengen. Arah renungen enda kita iajuk jadi usihen ras motivasi man kalak sideban.